

## كلام الشيخ الحويني عن السودان ومصر من 02 سنة

أبو إسحاق الحويني

الجانب العملي والغزوات غزوات النبي صلى الله عليه وسلم وما يؤخذ من هذه الغزوات تنزيل هذا كله على الحاضر عشان ما يبقاش فيه انقسام ما بين الكلام اللي احنا بنقوله وما بين الواقع لان كتير من الناس يقول لك طيب احنا سمعنا كلام جميل نعمل ايه؟ ما الذي نستطيع ان نفعله - [00:00:00](#)

ونتأسى بهؤلاء الاصحاب في زماننا المعاصر. لا سيما والفتن مدلهمة وتحيط بالمسلمين. كل مناطق الاشتعال في العالم غياب المسلمين يعني العراق وفلسطين افغانستان آآ عندنا في الشيشان الصومال اخيرا ها وطبعا السودان في دارفور. دلوقتي السودان بيتسابق ثلاث دول عليه. امريكا والصين اخيرا وفرنسا قبلهم - [00:00:20](#)

كل ده ليه؟ لان السودان وفي منطقة دارفور تسبح على اعلى احتياطي بتترول في العالم العراق وانت عارف امريكا الاحباط البترول اللي موجود في ارضها كان دلوقتي في المية ثلاثة وتلاتين في المية - [00:00:50](#)

فقط. السين واليابان ما عندهاش بتترول خالص. الا يعني كوباية قد كده. يعني الصين بتستورد خمسة وسبعين بالمائة من البترول من بلاد المسلمين. واليابان كل البترول. يعني لو ما فيش بتترول اليابان هتسقط - [00:01:09](#)

لكن طبعا المد والحروب دي كلها حروب دينية. مش عشان بتترول هو البترول ده برضو لكن مش هو رقم واحد. فمناطق الاشتعال كلها هي مناطق المسلمين. انت النهاردة امن اهو. اذا ما خدتش - [00:01:35](#)

حذرك حيوصلك النار. السودان العمق الامني لمصر. معروف على طول. طول ما امنة مصر امنة. السودان حصل فيها لعب هيجصل في مصر نفس اللعب. وانا الكلام ده قلته اكثر من مرة - [00:01:55](#)

واقوله ايضا وابنه برضو عشان نصحي النيام. ايه اللي حصل في السودان؟ النصارى وزرعوا حركة التمرد في الجنوب. وحركة التمرد في جنوب السودان نصرانية. السنة دي السنة رقم ثلاثة وعشرين - [00:02:15](#)

او اربعة وعشرين يقاتلون السودان جنوب السودان يقاتل دولة السودان. طب دي حركة والسودان ده شعب له جيش. استطاعت الحركة بمساعدات النصارى المستمرة للجنوب ان ترهن الجيش النظامي السوداني صار لما جيش دولة - [00:02:35](#)

تعب من كتر القتال مع الجنوب. ايه اللي حصل اخيرا؟ من سنتين عملوا ايه المفاوضات دي انتهت ليه ان يحصل تبادل السلطة ما بين الجنوب والشمال. الشمال طبعا المسلم السني. والجنوب النصراني. تمام - [00:03:00](#)

تبقى كل واحد ياخذ الدولة يحكم الدولة ست سنين. احنا لسة في حكم المسلمين. بعد كمان سنتين ثلاثة خلاص الست سنين هتخلص هيجي مين؟ واحد نصراني على قمة دولة السودان المسلمة - [00:03:24](#)

وياخذ ست سنين هو كمان. الله اعلم في الست سنين هيعملوا ايه. النصارى طبيعي بتوع الديموقراطية وبتوع مش عارفين والامم المتحدة والولايات المتحدة والكلام ده هم اللي هيشرفوا على الانتخابات بعد مرتين ثلاثة. يعني بعد ما النصراني ياخذها ست تميت هيجي مصر - [00:03:42](#)

ياخذها كمان ست سنين. لكن الست سنين اللي بعد كده مش هيشوفها المسلمين. وبصناديق الانتخابات والديموقراطية والكلام ده النصارى يقول لك كفاية بقى تنطيط. انتم ستة وهم ستة. لأ عايزين بقى حكم ده. وعشان بقى ما فيش تزويرة حياة الامم المتحدة تشرف على المش عارف مين - [00:04:02](#)

الامم المتحدة طبعا كلها ايه نصارى والكلام ده. حيشوفوا على الصناديق وحيجيوا الصناديق مليانة انا برضه هم واخدينها من عندنا.

كانوا يبسموها مليانة من هناك. ها تيجي تحط البتاعة ما تنزلش. ها مليانة كله جاهز - [00:04:22](#)

يبقى خلاص خدوها النصارى. بقت السودان المسلمة حاكمها نصراني. بيتدي الحاكم النصراني السودان يعمل نفس القلاقل في جنوب مصر. واكثر النصارى موجودين في جنوب مصر. تمام بيتدي يدي لهم سلاح. ويعملوا تمرد. وكان زمانها ايام عبدالناصر كانوا عايزين يعملوا انفصال. الجماعة اللي اللي هم آآ عواجز زي حالاتها كده - [00:04:39](#)

يعرفوا الحدودة دي. عايزينهم انفصال والدولة النصرانية جنوب مصر ومش عارف ايه والكلام ده. دي خلاص هيعملوها. وبيتدي بقى يدي ايه؟ سلاح لجنوب مصر بيتدي جنوب مصر عايز ينفضل طبعا الدولة لا يمكن تسمح بهذا. هيحصل نوع من الايه؟ من القتال. نفضل نتقاتل كمان عشرين - [00:05:09](#)

وبعدين يتعب الجيش. نعمل ايه؟ نعمل صلح. ست سنين ست سنين ست سنين ها وبعدين ترجع مصر النصرانية. مش هم عايزين يرجعوها نصرانية تاني؟ ها؟ يقول لك آآ عمرو بن العاص جه غير الديانة بتاعتنا وبقى لنا الف وربعمية سنة - [00:05:29](#) مضطهدين. مش الكلام ده قالوا له ياما احنا اسكندرية احنا من اربعتلاف وربعميت سنة مضطهدين. تمام؟ فاحنا مصر الان ما بين فكى النصارى عايزين يرجعوها نصرانية والشيعه عايزين يرجعوها فاطمية. لان - [00:05:50](#)

القاهرة غير من الذي بناها؟ المعز لدين الله الفاطمي الرافضي ابن ستين في سبعين. هو الشيعة بيقلوا دي كانت آآ بلدنا. دي كانت بلدنا. فالشيعة عايزين يحولوا مصر للشيعة. فاطمية. تاني - [00:06:10](#)

النصارى عايزين يحولوا مصر لايه؟ لنصرانية. فما انتم فاعلون؟ هو احنا داخلين بقول لك على مناطق تعالوا ما فيش حاجة مضمونة ما كان احد يظن ولا في الاحلام اللي في العراق ده يكون في العراق. واغلب الناس ما كانش عارف ان العراق - [00:06:30](#) بتاعة عبارة عن موجة يغلي العراق طول عمرها لا يصلح لها الا رجل من حديد. هو العراظ استقرت الا بعد ما راح لهم الحجاج نصف ثقفي اللي اول خطبة خطبها لما طلع المنبر قال ارى رؤوسا قد اينعت وحن قطافها. اول خطبة - [00:06:52](#)

والله لان امرت احدكم ان يخرج من هذا الباب فخرج من هذا الباب لضربت عنقه. ما فيش تفاهم ليه؟ شيع طوائف. مصر بحمد الله مجتمع متماسك. حته واحدة الشيعة العراق شيعة وسنة واكراد وعبدة شياطين وعبدة مجوس وعبدة بقر وعبدة حجر وعبدة شجر. كل - [00:07:23](#)

الملل موجودة في العراق. فكل ملة بتكره التانية مش عايزة واحد يقوم كاتب على نفسهم كلهم كده عشان يفضلوا ساكتين. تدي لهم الحرية يقتلوا بعضهم بعضا. فالعراق مجتمع غريب مصر لأ. مصر مجتمعة نسيح واحد. متماسك. ما فيش الطوائف ولا الاحزاب ولا الكلام ده. لذلك من السهل جدا - [00:07:53](#)

اقامة اهله على الهدى. وزمان كان يقول آآ ان اطوع رجل فالمصري. ودي طبعا عيب وفضيلة. لو حكمهم فرعون كانوا فراغنة ولو حكمهم الصديق كانوا ائمة. فهم حشو كل حاكم صالح - [00:08:18](#)

وكل حاكم فاسد. كان زمان يقول لك لا داخل مصر منك الوف. مسل قديم يعني المسل ده ما كنتش اعرفه الا من بيقلوا احنا عندنا في الخليج يقول يا داخل مصر منك الوف. حرامي هتلاقي حرامية طاقة هتلاقي اتقياء. اللي نفسك فيه هتلاقيه. كانوا يقولوا كده يعني - [00:08:48](#)

فاحنا عايزين نقول الاخطار التي تحيط بنا اخطار جسيمة. الامر جد ليس ليس فيه لعب. فينبغي ان احنا نكون مهتمين بالصحابة كيف انتصروا؟ نشوف من اول ما هم مستضعفين هو. مشردون في - [00:09:08](#)

هو في الحبشة. وفار وفروا بدينهم. طب لما رجعوا عملوا ايه؟ ما اصل الحبشة في كاسة عبارة عن رحلتين - [00:09:28](#)